



29. EDIZIOA TORIBIO ECHEVARRIA SARIAK

“Ekintzailtza Berritzaileari Euskadi Sariak”

Deialdiaren Oinarriak

Eibarko udalak Garapen Ekonomiko, Enplegu eta Berrikuntzako Sailaren eta Bic Gipuzkoaren zuzendaritzapean, “Toribio Echevarria” sarien edizio berri bat sustatu eta babesteari ekin dio, honako erakunde hauen laguntzarekin eta sariekin: Eusko Jaurlaritzaren Ekonomiaren Garapen eta Azpiegitura saileko Ekintzailtzaren, Berrikuntzaren eta Informazio Gizartearen zuzendaritza, Gipuzkoako Foru Aldundiaren Ekonomia Sustapena, Landa Ingurunea eta Lurralde Orekako departamentua, SPRI, APD, GIPUZKOAKO BAZKUNDEA, DIARIO VASCO, ELKARGI eta ADEGI, CEBEK eta SEA euskal patronalak.

Sari honek bultzatu eta aitortu nahi dituen baloreak: ekimena, berrikuntza, ekintzarako gaitasuna, sormenerako ahalmena eta enpresak garatzeko kemena dira berrikuntza teknologikoari arreta berezia ipiniz.

Sari honek oinarrian duen filosofiari jarraituz Euskal Herriko industria-ehunaren berrikuntza-kultura eta modernizazioa garatzeko, sormenaren eta berrikuntza teknologikoaren bidetik doazen ekintza guztiei baita enpresa-errealitate izan litezkeen “asmo” guztiei ere, bideak zabaltzen, laguntzen eta horien aldeko apustu egiten jarraitzen dute Eibarko Udalak eta Bic Gipuzkoak.



1.- Helburuak

- 1.- Enpresa eta asmo berritzaileak sustatu.
- 2.- Ekintzailearen irudia bultzatu eta hedatu.
- 3.- Lana sortzen lagundu.
- 4.- Gure herrian, enpresa edo lantegi berriak ahalbideratu.
- 5.- Berrikuntza teknologikoa enpresan sustatu.

2.- Nori zuzendua

“Enpresa asmoak” kategoria

- Euskal Herrian jaiotako edo bertan bizi diren pertsonak, banaka zein taldeka. Enpresa-ekimen berriak aurkezten dituztenak, batez ere zientzia-teknologia arloan.

***Oharra:** Kategoria honetan enpresa gisa martxan dauden baina beren presentzia merkatuan sendotzeko ontze-prozesu nabaria behar duten proiektuak sartuko dira ere.*

“Enpresa Berria ” kategoria

- Ezaguera edo/eta zientzia-teknologia arloetako enpresa intentsiboentzat, Sariaren babesa beren jardueran sendotu edo ontzeko beharra dutenak edo berrikuntzan oinarrituriko produktu edo prozesu berri bat sortzeko prozesuan daudenak.

***Oharra:** Edozelan ere, sariaren antolatzaileak, hautagaiak kategoria batean edo bestean sartzeko eskubidea izango dute nahiz eta hautagaiak bestera aurkeztu. Hala ere, aurkeztu diren hautagai guztiei behar bezala adieraziko zaie erabaki hori hartzeko egon diren arrazoiak azalduaz.*

3.- Partehartzaileek bete behar dituzten baldintzak

1. Enpresek, egoitza eta instalazioak Euskal Herrian izan behar dituzte.
2. Pertsona fisikoei dagokienez, Euskal Herrian jaiotako edo bertan bizi direnak behar dute izan.

Baldintza hau frogatzeko, balioko dute:

- a) Alta Ekonomia Jardueren gaineko Zergan, enpresen kasuan.
- b) Errolda-ziurtagiria asmo edo proiektuen kasuan.



4.- Sariak

“Enpresa Asmoak” kategoria

“Enpresa asmoak” Saria

Honako hau dagokio:

- **Eibarko Udalaren Saria: 10.500 €**, eskudirutan.
- Bideragarritasun-azterlana, martxan jartzea eta ekimen berriaren garapenerako euskarri Programetara sarbidea **Euskadiko BICen** bidez, beraietan agertzen diren baldintzak betetzen direnean.
- Doaneko harpidetza **APDn**, urtebetez; horrek dakar:
APDek Eskualde guztietan antolatzen dituen jardunaldietara doaneko sarrera (urtean 277) eta APDk Ipar-Eskualdean antolaturiko mintegi, ikastaro eta Executive mintegietarako sarrera harpide diren enpresentzat bezala.
- **Gipuzkoako Bazkudearen Saria**, antolatzen dituen prestakuntza-ekintzetara, gehienez 100 orduz, doan joateko dena.
- **ELKARGI Saria**, ELKARGIren aholkularitza espezializatua negozio-plan ekonomiko eta finantzario bat diseinatzeko, prestatzeko eta hasierako laguntasuna egiteko dena.
- Enpresaren eta Berrikuntzaren hedatzea, laguntzaileen eta babesleen bitartez.



“Enpresa Berria” kategoria

“Enpresa berria” kategoria

Honako hau dagokio:

- **Eibarko Udalaren Saria: 10.500 €**, eskudirutan.
- Bideragarritasun-azterlana, martxan jartzea eta ekimen berriaren garapenerako euskarri Programetara sarbidea **Euskadiko BICen** bidez, beraietan agertzen diren baldintzak betetzen direnean.
- Doaneko harpidetza **APDn**, urtebetez; horrek dakar:
APDek Eskualde guztietan antolatzen dituen Jardunaldietara doaneko sarrera (urtean 277) eta APDk Ipar-Eskualdean antolaturiko mintegi, ikastaro eta Executive mintegietarako sarrera harpide diren enpresentzat bezala. (www.apd.es).
- **Gipuzkoako Bazkundearen Saria**, antolatzen dituen prestakuntza-ekintzetara, gehienez 100 orduz, doan joateko dena.
- **ELKARGI** Saria, ELKARGIren aholkularitza espezializatua negozio-plan ekonomiko eta finantzario bat diseinatzeko, prestatzeko eta hasierako laguntasuna egiteko dena.
- Enpresa garailea kokatuta dagoen lurraldeari dagokion Enpresa Patronalaren saria:
 - **ADEGI** Saria, e-Gerenteak ikastaroan doan parte hartzea, baita urtebeterako bere Ekintzaileen Foroan doako kide izatea eta ADEGIko jarduera eta aholkularitza orokorraren saria.
 - **CEBEK** Saria: enpresa CEBEK Ekinean ekimeneko kide izatea, honek sortu berri diren enpresei zuzendutako ekimen zehatza eskeintzen ditu, eta aldi berean, CEBEKeko jarduera guztietan parte hartzea onartzen du.
 - **SEA** Saria: SEAKo Ekintzaileen Foroan kide izatea, honek sortu berri diren enpresei zuzendutako ekimen zehatza eskaintzen ditu, eta aldi berean, SEAKo jarduera guztietan parte hartzea onartzen du.
- Enpresaren eta Berrikuntzaren hedatzea, laguntzaileen eta babesleen bitartez.

“Nazioartekotza babesa” Saria.

Sari hontara aurkeztea hautazkoa da

Honako hau dagokio:

- SPRI taldeko Basque Trade & Investment-ek (Eusko Jaularitzako Nazioartekotzeko Euskal Agentzia) proiektu bat egingo du bere nazioarteko sailak ordezkari duen merkatuetako batean sartzeko. Proiektu horretan, merkatu-azterketa bat egingo da edo/eta merkatu horretan izan daitezkeen bazkide komertzial, industrial edo teknologikoak bilatuko dira.

Oharrak:

Saria ematen den urtean zehar martxan jarri behar da proiektua.

Proiektua burutzeko epea Basque Trade & Investment-ekin batera zehaztuko da, proiektua abian jarri aurretik.

“Eibarko Udalaren Sari berezia”

Aurkeztutako hautagaietako bati esleituko zaio - irabazle/finalista ateratzen den hautagaia bati bi kategoriatako edozeinetan, eta honako baldintza hauek betetzen dituen:

- Jatorria edo/eta kokapena Eibarren edukitzea
- Hitz ematea Eibarren egongo dela 2 urteko epe batez gutxienez

Honako hau dagokio:

- **Eibarko Udalaren saria 10.500 €**
- **BIC Gipuzkoa** bitartez **PADEM** prestakuntza programari sarbidea (Startups eta Ekintzaileei zuzendutako programa aurreratua)

5.- Hautagaien balorazioa

Aurkeztutako proiektuak, erakunde sari-babeslearen adituekin eratutako Batzorde Tekniko batek aztertuko ditu aurrenik.

Ondoren, aurreneko aukeraketa horretatik aterako diren proiektuak, oinarrien 8. atalean aipaturiko epai-mahaiak baloratuko ditu.

Baloratzerakoan, ondoko alderdi hauek oso kontuan hartuko dira:

- Ekintzaile/enpresa ekintzailearen profilaren eta enpresa-proiektuaren arteko koherentzia.
- Produktu/zerbitzuaren berrikuntza-maila eta bere bideragarritasuna merkatuan.
- Epe ertainean hazteko, aberastasuna eta lanpostu gaituak sortzeko aukerak.

6.- Agiriak

Izen ematea www.toribioechevarria.com orrian egin behar da

"Enpresa Asmoak" kategoriarako aurkeztu beharreko agiriak

"Enpresa Asmoak" Saria

- **Laburpen exekutiboa**, bi orrialdekoa gehienez, asmo/proiektuaren balore nagusiak azalduko dituena.
- **Enpresa-plana**. Antolakuntzak emandako Enpresa-Plan Eredua erabil daiteke nahi izanez gero. Edozein modutan ere aurkeztuko den dokumentazioak ezingo du 40 orrialdetik gora izan. Proiektuaren ontze-mailak Enpresa-plana aurkezteko aukerarik ematen ez badu, sariaren antolakuntzak ematen duen "Enpresa Asmoen Galdetegia" bete beharko da (www.toribioechevarria.com).
- **Erroldatze** ziurtagiria

"Enpresa berriak " kategoriarako aurkeztu beharreko agiriak

"Enpresa berria" Saria

- **Laburpen exekutiboa**, bi orrialdekoa gehienez, asmo/proiektuaren balore nagusiak azalduko dituena
- **Enpresa-plana** Antolakuntzak emandako Enpresa-Plan Eredua (www.toribioechevarria.com) erabil daiteke nahi izanez gero. 40 orrialdekoa izango da, gehienez.
- Enpresaren eta talde ekintzailearen **laburpen historiko** laburra
- **Ekonomia Jardueren gaineko Zergan** alta
- **Ogasuneko eta GSKo** ordainketen kasuan legeak dioena betetzen dela aitortzen duen ziurtagiria

"Nazioartekotzeari Babesa" Saria:

- **Internazionalizaziorako galdetegia** beteta (www.toribioechevarria.com)

7.- Kontutan hartzekoak

- Hauteslea enpresa bat bada aipatu Enpresak, hautatze-prozesu guztiaren kargu egingo den eta efektu guztietan bere ordezkari izango den pertsona fisikoa izendatuko du.
- “Enpresa Asmoak” kategorian, sustatzaile-talde batek jasoko balu sari hori, talde horrek pertsonaren bat izendatu behar du taldearen izenean aritzeko.
- Atal honetako lehen paragrafoan aipaturiko Galdetegiak gain, esan Epaimahaikideek egokitzen jotzen dituzten elkarrizketa pertsonal guztiak egin ditzaketela.
- Enpresa edo lantegiei dagokienez, sarian parte hartzeko izena ematerakoan enpresaren ordezkari izendatu denari egingo zaio elkarrizketa.
- Sariaren zenbatekoa jasotzeko, Herri Ogasunaren eta Gizarte Segurantzaren ordainketak egunean daudela egiaztatu behar da.
- Jasotako sariak, sari hau eta hurrengo edizioaren deialdia bitarteko epean gauzatu/bete behar dira
- Aurkeztutako proiektuak edo asmoak Epaimahaikideek isiltasun osoan gordeko dituzte.
- Hedabideei dagokienez, partehartzaileek hartzen duten konpromiso bakarra hau da: asmoaren edo proiektuaren izena eta proiektu edo asmo hori bultzatu duen enpresaren edo sustatzailearen izena ezagutzera ematea. Finalera iritsitako asmo edo proiektuen kasuan –hedabideen aldetik oihartzun handiagoa eskura dezaketenak- bakoitzarekin egon eta erabakiko da goian esandako horretatik zer den jendearen aurrean zabaldu behar dena.
- Parte hartzen duena bera da aurkeztutako agiri horietan esan duenaren egiazkotasunaren erantzule bakarra; Saria ematen duten erakundeak inondik inora ere ez daude derrigortuak hor esandakoak egi ala gezur diren aztertzea edo egiaztatzea, baina hala ere, hala egitea beharrezkotzat edo komenigarritzat joko balute, aukera dute hori egiteko.
- Saria ematen duten erakundeek ez lukete inongo erantzukizunik aurkeztutako asmoak ustiatzeko proposatzen denak edo parte hartzaileak aurkeztutako edozein agirik beste inoren eskubideak modu batean edo bestean urratuko balitu, hau da, jabego intelektualaren, industria-jabegoaren edo beste edozein motatako jabegoren eskubideak urratuz gero.”



8.- Lanak aurkezteko epea eta izen ematea

Agiriak aurkezteko epea **2019ko ekainaren 11an, arratsaldeko 3ak baino lehen.**

Hautagaiek izena emateko orria egoki bete eta bertan eskatzen den dokumentazio guztia Toribio Echevarria Sarien web orrira igo beharko dute. www.toribioechevarria.com

Hautagaiek kandidatura erregistratzean hautatuko dute.

9.- Epaimahaikideak

- OHOREZKO EPAIMAHAIBURUA:
 - Eusko Jaurlaritzaren Lehendakaria

- EPAIMAHAIBURUA:
 - Eibarko Alkatea

- BOKALAK:
 - Eusko Jaurlaritzaren Ekonomiaren Garapen eta Azpiegitura Saila
 - Gipuzkoako Foru Aldundiaren Ekonomia Sustapeneko, Landa Inguruneko eta Lurralde Orekako Saila
 - Eibarko Udaleko Garapen Ekonomiko, Enplegu eta Berrikuntza Saila
 - Spri
 - Apd
 - Debegesa
 - Adeg
 - Confebask
 - Gipuzkoako Bazkundera
 - Elkargi
 - UPV/EHU
 - Bic Gipuzkoa